



碩園詩彙目錄

木集



琅邪王 吳惟夏著

孫良穀編錄

木集

卷二十七 巳酉

東風二首

清明日上墳作四首

得盧文子倪闇公書

遣悶

連夕讀陶詩偶成四首

介夫見訪下榻齋中八日有懷吳菌次郡伯時

吳方桂吏議

齋中小飲全九日鼎先別介夫

細雨

病榻

次馮庭表移居原韻

銷愁

歲暮湯題

卷二十八

庚戌

新春用泌兒韻

靜坐

弇山園看紫藤得四絕句

即事

雨

初涼偶閱東坡寒熱偈

中秋夜作

家子祥別駕自分水過婁特敘宗乘喜而有作

子祥為司諫公二十世孫

上燕臺張黃門爾直先生

復理選事賦以自嘲四首

東黃頊傳

再東頊傳

兩承雪茨上人贈什媿未嘗答走筆東之二首
負病

卷二十九 辛亥

王正四日立春飲孝威齋

次夕飲孝逸齋

人日偕九日計登飲黃子嘉錫齋得陽字

上元前後數夕雨雪至二十三日燈火方盛

賀天士吳弘人先後過訪

春江

村行口占示兒輩

疊前韻

晚泊

功課

萬事

子存從叔勤修白崇東之

初秋夜坐

即事四首

少年

卷三十

清明墓祭

贈龍眠程虞奏

送虞奏

讀副憲大可錢公所脩釣臺集次其原韻公前

巖郡守

廉州兄以佳酒茉莉見惠

酒罷

憶昔二首

戲呈諸禪老四首

小極

村庄即事

吳夫人五十詩吾友蘭次郡伯之配也

卷三十一 癸丑

上巳日禊集書城叔心遠堂得修字

又得群字

集家廉州兄染香菴續牡丹續上巳也得蘭字
屢過禪林訪諸尊宿

開卷

膝前

自料

連夕酒戰每勝詩以紀之

衰老漸甚賦以自壯

仲冬望前三日兒泌訂及門諸子會文軒中漫

成二律併令能詩者和之

至日偕宋君仇池飲書城叔瘞硯齋中分得堂

字二首

卷三十二 甲寅

忽思

聞警書感四首

弇西池上觀荷以醉把青荷葉狂遺白接羅平

穀字為韻得青字禁用烏衣白社竹林河朔芙

蕖菡萏等字

是夕即於染香待月以竹深留客處荷淨納涼
時平聲字為韻得涼字禁亦如前

王鶴尹崔來堂偶集得春字

偕王鴻調家次谷訪筠南二上人於眉照上人
之準提庵得時字

集王誦侯齋得池字

卷三十三 乙卯

集李凝菴學師齋看梅以文章千古事得失寸
心知平聲字為韻得文字

舊守燕山蕭公來婁寓隆福蘭若偕兒子泌攜
酒過飲以李義山詩陶令去官後仰眠書屋中

平聲字為韻分賦得官字

客有訝余瘦者口占答之二首

生平

卷三十四 戊午

忽聞薦辟書志四首

遊錫山秦對巖太史園

孟秋中澣將有白門之行為泌兒就試也

錫山

舟次即事

江行

晚泊二首

十四早示泌兒

阻風

雲間道中

家兄農山先生留飲二首

重陽日飲子併署齋

偕蔡二九霞渡江即事口占示蔡索和四首

過揚州四首

墜驢和九霞

雪

落日

阜城縣感南渡時事

甫抵京師即蒙

聖諭每月頒賜銀叁兩米叁斗以候御試隨

偕同事諸公詣闕謝恩恭紀二首

同徐懷萬勝力葉九來道子送葉澄夏下第南
歸以莫將和氏泪滴向老萊衣平穀字為韻得
和字五首

卷三十五 己未

壽益都相公

集毛會侯大令寓齋偕陳其年毛大可允大諸
子分得雲字

送周惟念之真定四首

贈馮躬暨四首

送葉道子都尉之任臨清二首

讀李義山詩集傷之題以四絕句

雪後偕秦中李子德雲間董蒼水毘陵邵子湘
宛陵梅耦長松陵潘次耕集家阮亭太史寓齋
以王右丞積素廣庭間五字為韻各分賦五言
古體五章

一紙

送翁武原郡丞之任黃州四首

朱信旃出關後攜便面索題即次徐字若原韻

題戴笠垂竿圖亦首有序

詞稿附

玉女搖仙佩
家廉州兄
六十生日

五福降中天
鄧元昭先生
六十生日

萬年歡
從耕增城公
七十生日

花發沁園春
蕭孟昉
十生日

八節長歡
昺菴申翁
八十生日

念奴嬌
重九偕子
靜容集舍弟次
谷留英閣中
九日計登孝威
鴻調女

又
重九偕子
集眉照上人
準提精舍
調家次谷集眉
照上人準提精舍
鴻

水調歌頭
鹿脯

洛陽春
寒日小飲
徐勝力寓齋

東風第一枝
柯岸培先
生六十

碩園詩彙目錄終

碩園詩稿卷二十七 巳酉

東風

輕漾簾櫳軟拂苔
分明解凍氣初回
只看撲面曾經
過也莫東君解愛才

又

花信山茶與水仙
小樓四面晚晴天
吹來墻外兒童
語大好明朝放絃鳶

清明日上墳作

萬家守冢已難期
立事剛成誓墓辭
真罷椒漿餘慟

哭那堪重問蔡我詩

又

鍾山風雨護神靈
麥飯今無淚
暗零二十四年寒食
節
何人曾與種冬青

又

今古銷沉志士難
但留杯土北邙
看首陽山側
要離
近益博堪悲
更伯鸞

又

涼燴白草紙
錢灰滿目累
盡可哀
倘道學仙能免

此令威何事更歸來

得盧文子倪闈公書

方接雲間客
隨開白下書
春帆潮落處
夜雨夢生餘
御李緣非淺
投莖報每虛
何時文字飲
同話兩隻魚

遣悶

頭顱詎料竟如斯也
莫傷心為鬢絲
夢裏江山千卷
史老來風月數
聯詩有常莫問人
通介各半
何妨體
黠癡自喜天真
違世事眼迷
蝸角儘便宜

連夕讀陶詩偶成

彭澤歸來味自甘熙元年史間宵細把遺編考是歲先生四十三義熙甲子了無慚先生自序去官以乙巳歲實義

又

康樂東林事異同知逆蓮社證真空新來吾亦逃禪者沽酒何人學遠公

又

自是杯中物可憑五男紙筆好何曾不須責子同元亮已見生兒侶景升

又

鄰曲冬春孰姓龐但云止酒氣先降獨竒夏月清風至一卷陶詩正北窓

介夫見訪下榻齋中八日有懷吳菌次郡伯時
吳方桂吏議

苔雪俄成客歲遊到門今喜有扁舟都忘剡曲三春隔尚少平原兩日留方話臺前曾雪積吳興署中愛山臺雪夜偕飲忽驚榻畔又螢流故人誰白郟陽枉回首綈袍轉

欲愁

齋中同小飲全九日鼎先別介夫

窗前急雨乍翻盆明日河梁此夕樽醉後文章能放

膽病中離別易銷魂介夫方又驚才士陳琳出先最

喜高人許邁存日九重會共期今歲事青齋莫久滯往

轅

細雨

霏微莫色到窗櫺方作廉纖正未停地濕只從杯內

看殺稀難向竹間聽堦心滋處唯留草池面飄時偶

約萍今夜客愁同熨點冷風吹伴一燈青

病榻

蕭齋病榻忽如秋酒盡書籤可自由每厭夢頻迷鄭

康更嫌氣欲喘吳牛灰心且作無生會蛻骨難將不

死求剩有子荆長繫念謂介他鄉藥累倍堪憂

次馮庭表移居原韻

居然城市勝煙蘿風月平分也卻窩齋冷帷披人却

在門溪徑掃客方過豈因僻地逃詩債雅稱閒身卻

魔病屈指菰蘆非久卧掩關發篋肯蹉跎

銷愁

張竦陳遵事莫求
鄭泉百斛好銷愁
酒箴瓶賦何須
較只愛陶家土一坵

歲暮湯題

不曾講學與談禪
自信胃中亦灑然
荒却三冬何足
悔且將筆墨待新年

碩園詩藁卷第二十七

終

碩園詩稿卷二十八

庚戌

新春用沁兒韻

楊柳綠將齊
春煙入望迷
酒闌方把卷
吟就始尋題
人世何喧索
鶯花各笑啼
湯聽童子報
燈火滿街西

靜坐

興來筆墨有餘歡
靜坐心胸也覺寬
脚氣未痊猶緩
步頭風初愈已甘餐
蘓公路自三叉口
白傅居仍八
節灘莫道頑軀無
住着酒闌香燼一蒲團

弇山園看紫藤得四絕句

重、春色開蜂衙癩圃藤陰儘足誇芍藥滿郊猶未
放詩家何事喚餘花

蕭嵩詩餘
花發紫藤

又

粉壁朱欄映帶宜學山園裏賞多時蕭疎却得叢篁
襯此地看來倍覺宜奇

又

傑閣銷沉幾十春名花栽得又翻新色殺香味俱希
有尚是祇林舊種因

其地為藏
經閣故址

又

紫雲宮裏景清幽也許紅裙逐隊遊只為香風曾入
咏至今猶得美人留

是日多遊女故
戲引青蓮句

即事

六月初旬五月盡急雨剗過北風緊幾點流螢似星
隕浴罷墻西唱蚯蚓病體清羸不勝酒獨喜燈前少
塵空閒攜柳栗透廊行天畔輕雷猶隱隱

雨

霖潦休愁中伏頻東郊不雨已盈旬驅蠅正賴飛銀
箭簷溜聽來自快人

初涼偶閱東坡寒熱偈

本來無熱涼寧有涼後翻思熱右何畢竟炭灰俱是火欲持此偈問東坡

中秋夜作

再着麻衣夢已無棘闌遙想罷伊吾自傷冷坐何因醉中秋冷坐無因獨展殘編對大蘓

家子祥別駕自分水過婁特叙宗乘喜而有作

子祥為司諫公二十世孫

名垂宗室八朝書

司諫公事實見八朝名臣錄

吾祖遺慶自有餘

文獻足能徵氏族山川秀獨聚門閭還從相水分源

處直遡臨沂得派初自是烏衣人物好風流今日尚

簪裾

上燕臺張黃門爾直先生

世皇初年混八荒搜羅杞梓兼琳琅我公奇才起畿甸弱冠射策登巖廊南省東曹掌封駁班心突兀身昂藏剖腹輸子念根本欲令致治追唐虞賈誼書嘗陳痛哭張縉志必問豺狼制獄當時重鎮撫堂上坐者翼而席飛書造密募群奸憑依城社生風雨叱咤

無如緹騎尊株連莫犯金吾怒二正胚胎 廟終專
工羅網阿閹豎最痛精忠揚左儔冤魂血污園扉土
前朝覆轍尚相沿侍從哀 皆英賢吞殺誰敢訴冤
慘不為仗馬為寒蟬公獨慷慨籲丹陛投尉勢敵幾
薰天微臣昧死謹上狀乞嚴禁革收其權詔下奏章
付廷議尚書臣等僉曰然頓迴雷霆灑雨露萬方帖
席民安眠君仁臣直欣茲日瑣闈朝夕仍獲筆讜論
惟知報主恩訐謨總是原儒術忌諱都忘竟喻秦公簡
法寬刑一疏直云苦語危辭難備述房魏於今復覩
連坐起於秦時

公即稱婁宋寧堪匹方慕鷹鷂下奮揚肯容烏雀猶
逃逸禍緣投鼠遣猶輕浮雲暫爾埋精誠據鞍矍鑠
齒非老折檻嶙峋心未平偶爾吳中止車驛吳也何
幸陪杯鐙諫絃輝煌映星漢燈底快讀散翁翁懷沙
哀郢那足道泰山北斗欽芳名大蘓海內誦文字小
范胄中歲甲兵二十三載久高卧再起會見因蒼生
復理選事賦以自嘲

帖括銷磨十四年朝來行復展陳編非闕尚欠名場
債只為壚頭要酒錢

又

曾記文壇掃地盟章

文素

盧子

文教

望一

時傾

丹鉛

今日

誰同調轉覺吾衰畏後生

又

代他人作嫁衣裳此語從來最可傷
那更孀閨燈火夜重拈針繡鴛鴦

又

花樣休嫌取次翻葫蘆甘画更何言
從今市上懸若金購不望雞林望兔園

東黃頊傳

頭顱到此總堪傷轉憶風簷屢雁行
文字有靈仍遇合英雄無路獨悲涼
碎琴自古知誰覓破甑於今願易忘
我已酒徒銷昔夢近聞選佛有科場

再東頊傳

老來滋味飽更嘗一領青衫莫較量
最喜河魚聊爾愈予初那愁塞馬忽然亡
盛衰也自憐京兆醒醉還輸學太常
失路幸留同志在且看竿木鬧優場

兩承雪茨上人贈什媿未嘗答走筆東之

曾溪一滴得真傳好句誰云碍却禪最愛道人吟賞
處澱湖煙水夕陽天

又

淨因曾喜結湯師三載重來會面逢

兩過資慶訪
上人不過鮑

獎敢誇能擬古自慚已少碧雲詩

貧病

兩月沉綿賸此身秋風吹更鬢生塵貧惟戀我原因
慣病欲欺人不厭頻趙壹囊空悲萬卷宗清券少憶
千緡北窻向夕蕭、雨卧聽惟聽應益愴神

碩園詩稿卷二十九

辛亥

王正四月立春飲孝威齋

春朝原喜正新年况值心交滿眼前酒必害深方免俗

人非頑極不成僊點癡莫辨三公瑾子淑孝歌哭誰

如兩仲宣鴻調更愛南州高士聚徐枚後左儘宜傾

倒話當筵酒

次夕飲孝逸齋

相過南北周皆好把酒論文自斐然世上無如兄弟

樂樽前難得主賓賢雄談吾愛旨張籍周沈飲人推

老鄭虔子淑獨笑印橋詩客嬾正當佳會却高眠期九日不

至

人日借九日計登飲黃子嘉錫齋得陽字

剪綵逢今日開樽共夕陽天應多雨露人似過風霜

嵇呂交方合羊何興正長不須悲老驥梅縱正寒香

上元前後數夕雨雪至二十三日燈火方盛

燈火連街更蹋歌兒童金鼓喜陽和那知陟作湯天

雪肯信真同驀地波煎餅已過春不覺正月二十三日俗以煎飯

餅置屋上傳柑已舊夜如何女媧幻蹟前朝節相傳

氏是日補天宗以前呼為天穿節缺陷從來補正多作

賀天士吳和入先後過訪

蓬蒿門巷乘人過空谷聞音事頗奇快士賀循歡乍

別舊交吳質慰相思菰城最憶呼樽夕燕市難忘上

馬時剪韭兩番留不住祇將浚會話臨岐

春江

春江一棹正呼杯風起俄驚雁鷺哀咲殺舟人蓑笠

晚山昏纔覺雨散來

村行口占示兒輩

老去原因惜物華
愁中領畧興猶賒
禁烟節近常多雨
賣酒家稀僅見花
菜圃正黃籬不隔
柳塘皆綠屋
難遮奚囊詩料無
如此說向兒曹也
足誇

疊前韻

四十三年擲歲華
愁來還賴酒能賒
後筵散飯脾仍健
短檠鈔書眼未花
久料空囊遊偃蹇
尚思故友語
周遮豪吟敢望張
公子千首詩成且
自誇

晚泊

綠酒蓬窓把湖波
映不窮艣枝從晚
泊帆葉待長風
蠡浦期寧爽葦城
棹竟空懷人回首
處剛對夕陽紅

功課

功課全拋已過春
又看肥綠一窻新
麤衣飽飯常無事
南陌東阡況有鄰
悟後逢詩知眼目
老來憑酒出精神
更竒自換前街好
香積厨邊說夢人

萬事

萬事閑來俱客裏
醉中獨欲賦歸來
誰知五斗生涯外
更有陳王八斗才

子存從叔勤修白業東之

茶鐺香椀息塵緣
閉戶誰如大阮賢
好酒淵明仍入社
能詩摩詰正參禪
共知淨域身瀟灑
自恨文人業
墨牽何日青鞵隨
拄杖對拈半偈坐
年季

初秋夜坐

候蟲鳴遍又聽堪
隆暑終銷月半庭
推枕乍拋團扇
白開編重見短檠
青愁來不作悲秋
客病退仍如坐
夏僧宗，那知佳節過
怕聽兒女說雙星

即事

閉門書卷任縱橫
聽雨剡逢酒乍清
屈指來旬方白

露不妨擔擔作秋教

又

三椀松蘿酒後宜

坡詩云拈腸未易禁
三椀正不必學盧仝也

半因肺渴

半因詩茶如可毀
何須論欲咲當年
陸季疵

又

硯池濃墨貯猶新
揮灑篇章恰一巡
問字日來差足
樂莫嫌載酒更無人

又

槐黃時節不多遭
賺得星，上鬢毛
刮盡文人心上

血西風又見利如刀

少年

少年才氣頗飛揚名士江東也擅場琴價千金陳伯
玉酒懷一斗馬賓王無成綠蟻逃堪痛有恨青蠅吊
易傷今日更翻新活計藥爐貝葉一繩床

碩園詩彙卷二十九 終

碩園詩彙卷三十 壬子

清明墓祭

休言吉地有牛眠拜畢先墳也自憐住處可能如幻
起築來寧敢象初連叨勞思重身誰報仇儂綠空夢
亦寧倘得茂林深栢在千年吾豈恨重泉

贈龍眠程虞奏

虞奏為奉常立
菴先生小阮

奉常教望紫宸邊盡說河南道系傳謝氏已推安石
重阮家仍見仲容賢人因磊砢偏如玉筆任縱橫總
似掾竈看漢廷三策獻曲江裘馬正翩翩

送虞奏

龍眠才子最英奇
執手何堪遽別離
婁土猪肝無俗累
燕臺驥足有前期
江淹文彩原千載
在潘岳風流
自一時
蜀勝地名賢心折盡
送君益復重相思
讀憲副大可錢公所脩
釣臺集次其原韵公為

前嚴郡守

山水桐君在風流
豈待旌紫鱗
高士饌赤伏
故人情自覺
夷齊重寧知
管葛輕謝翱
曾過此有淚
忽然傾

又

不使客星晦
偶然因着裘
何期賢郡守
重輯漢春秋
祠古仍遺像
江寒自急流
開編臺儼在
何必釣灘頭

蕪州兄以佳酒茉莉見惠

吾家康樂殷勤贈
對使開緘意爽然
酒是醍醐能證聖
花如蒼菊自通禪
書齋已自欣
杯蟻在閣何須怯
髣髴畏暑此真逃
暑具旅懷翻憶武丘船
兄將入郡

酒罷

飽知世事別無營
酒罷匡牀千夢紫
鄧郭金錢看赫奕
蘇張口舌聽縱橫
三眠作繭徒然縛
一擲成盧也

未羸獨愛洗觥，剗月上香生茉莉滿庭清。

憶昔

萬家室盡事如何，憶昔空傳老杜歌。種穀田成流血地，那知蜚楚勝干戈。

又

撫字仍能寬國憂，六年白守繼錢劉。眼中此地曾良牧，元道州還陽道州。

戲呈諸禪老

也知魚樂，非真切莫騎驢。又見驢昨夜雨晴天，忽

碧喫完殘酒，羅看書。

又

何曾濁酒水，見摩尼老杜當年說有之。倘問甚深微，妙法各人痛苦各人知。

又

木樨香裏舊機緣，盡說涪翁絕妙禪。更欲替他添註脚，平生盃飯與橫眠。

山谷詩佛事一盃飯橫眠不學禪

又

安閒好個張天覺，却為顛頑自惹愁。我也有篇無佛

論不知草檠可曾由

小極

不堪小極遇天陰
宛轉投沐悶轉深
羸瘦易移愁帶
眼蹒跚難到怕庭心
時方病足酒賜乍窄猶嫌粥書課多

虧并癢吟幸得安
禪新有法醫王處
處得相尋

村庄即事

晏起炊先喫晴
窻景色幽離邊
雞膈膊屋後
馬鈎鞦稍蟹猶田
舍尊臚自釣舟
數掾零落地空
說舊菟裘

吳夫人五十詩
吾友菌次却伯
以配也

蘭閨能振柏臺
轂五馬門庭喜
更盈風雅豈惟
追道韞神仙自
合侍雙成伯
鸞暫隱非終
隱三鳳齊鳴
早一鳴共羨
麻姑春醞熟
傳柑時節正
擎觥

碩園詩稿卷之三十終

碩園詩稿卷三十一 癸丑

上巳日禊集書城叔心遠堂得修字

喜值重三節吾家禊復修歲華新 癸丑

蘭亭之集乃晉穆帝九年

癸丑人物舊陽秋座滿能無咏觴飛不待流雨餘天自

朗未厭叫林鳩

又得群字

令節偏逢雨

是日又為穀雨

良朋晤亦群來仍新舊雨停豈

往來雲擊鉢猶殘晷藏闔恰半醺烏衣遊可作千載

感斯文

集家廉州元染香菴者牡丹續上已也得蘭字
芳節相携過採蘭名花相對復相歡詩闌乍得愁誰
押酒令頻更喜尚寬共擬流光書畫遣併將朋友弟
兄者百年勝地仍佳會遮莫更深燭欲殘

屢過禪林訪諸尊宿

眼看龍象各爭雄機用難猜異與同
事休、那許着閒中蓮從湧出花何在燈到傳時法
亦空湧蓮傳燈二卷石我自追遊非學佛
梅黃柳綠醉薰風

開卷

古人糟粕豈我師開卷銷閒也
覺宜欲醉祗憐樽蟻好空鑽每咲壁魚癡
談經偶到無言處中酒仍如未飲時
自喜老懷超脫甚今年不作送春詩

膝前

鄰前羅立任癡頑祝到多男自古銀有累也
憎妨過活無聊却賴伴清閒將眠燭在猶思課
偶出樽由輒望還豚犬總由人笑盡儘堪相慰鬢毛斑

自料

自料卑宜息萬緣課兒還笑是癡顛
黃金藥貴偏無

母白社人稀偶備員五字推敲成昔夢千秋磨洗聽
時賢晝長獨有欣然趣醒即呼杯醉即眠

連夕酒戰每勝詩以紀之

知己論心仗麴生任他壺榼列縱橫酣時墮嘖仍由
態快處衝杯肯作敵最喜諸公無害馬不妨老子獨
長鯨年來萬事銷磨盡贏得糟丘主舊盟

哀老漸甚賦以自壯

顛毛種、負初期百鍊鋼猶未肯移胡廣固知成冀
土曾蝮寧免敬狐狸磨方自肯將穿硯拈着後今不

敗碁窮老莫憂無計策伏波快語是吾師

仲冬望前三日兒涎訂及門諸子會文軒中湯

成二律併令能詩者和之

文酒縱橫並出奇臯比吾獨媿人師三餘宜惜何須
問五色終迷未可知射虎事雖成隔世雕蟲技尚記
當時自慚賸有青檀戀不作陶潛責子詩

又

燈火蕭疎夜向深何妨撤卷更豪吟升堂共發絃歌
興開卷如聞山水音他日定知稽力古此時方勗斷金

心河汾事業須君輩好把遺編次第尋古

至日偕朱君仇池飲書城叔痊硯齋中分得堂
字

將老陪耆碩談文快此堂心開書滿架魄落醉為鄉
杯恰宜三雅時方復一陽竹林遺事在儘許仲容狂在

又

書雲魚令節闌字況清觴雪色方垂野爐散正沸堂
可無公叔感聊免仲宣傷縈想惟鴻雁燕臺路亦長

碩園詩卷三十一終

碩園詩彙卷三十二甲寅

忽思

百畝原宜老一犁草堂聊作浣花溪忽思雨笠煙簑
夢難忘僧房驛壁題高興江湖多白鷺勝懷柑酒亦
黃鸝人生何限行吟處那慮詩囊乏小奚

聞警書感

從來逐鹿要爭先半壁誰容各晏然粵徼瘴開俄鼓
角闕闕風靜忽烽煙沉沙折戟三分話濁酒殘燈五
代編吳蜀李錢多少事可堪成敗決今年

又

蚤歲曾經兵火過又驚荆棘暗銅駝間闕那似身方
健轉徙其如累益多舊夢江山餘悵望新愁鶯筍失
權歌燈前也解吳鉤者壯語空思馬伏波

又

新亭無淚不須收話到興亡心楚囚急暮那堪羈驥
足虛名誰解惜龍頭饑誰乞食窮寧免病不求醫死
即休漫說南陽人抱膝敢將聞達望諸侯

又

貧賤侵尋復亂離自全無策慰相知驅馳未決逆軍志
息偃終淹避地期王粲登樓仍覺遠袁閔築室已嫌
遲祗應鉛槧殘緣在強課門生強課兒慰

弇西池上觀荷以醉把青荷葉狂遺白接羅平
散字為韻得青字禁用烏衣白社竹林河朔笑
藥菡萏等字

香氣遙聞處紅芳照小亭蟬移千樹碧萍雜半池青
客正宜三雅家方出一星謂遠羽書何處急雙耳不

曾聽

是夕即於染香待月以竹溪曲客處荷淨納涼
時平聲字為韻得涼字禁亦如前

普天方戰伐此地足義皇虛閣因風迥清溪得月涼

醒醉各成適

適 蕪州 兄不飲

主賓都已忘簷頭貪夜話官怯

漏初長 黠

王鶴尹崔來堂偶集得春字

賓主聚無因新秋況似春披襟時正好投轄意何真
暨遣烽煙悶全消襟襖塵庭梧知此意相贈露華新
借王鴻調家次谷訪筠南二上人於眉照上人

之準提菴得時字

六逸會今日一陽生此時喜聞支遁語驚把惠休詩

窻淨茶方淡堂深磬亦遲空王同礼處塵杳不須悲

時方有悼
亡之感

集王誦侯齋得池字

勝地分明勝習池况逢賢主又僧彌老來情事非今
日亂裏風光尚管時鸚鵡杯深歌正急鴛鴦絃滑酒
偏遊人生行樂今何夕酌酌休辭席屢移

碩園詩稿卷三十二 終

碩園詩稿卷三十三 乙卯

集李凝菴學師齋看梅以文章千古事得失可

心知平教字為韻得文字

得閒偶造談經席不覺春風四座分酒意似添窓外

雪笛教欲化隴頭雲五旬吾媿高常侍 予時年四十

子子三絕人驚鄭廣文烽火極天何必問同吟聊喜

送斜曛

舊守藥州蕭公來姜寓隆福蘭若偕兒子必攜

酒過飲以李義山詩陶令去官後仰眠書屋中

平散字為韻分賦得官字

此夕過蕭寺一燈相對寒情淡
泣泥酒望重在休官
已矣生民但時乎古道維不堪
搔首立星斗自闌干
客有訝余瘦者口占答之

清虛來更不須疑
渣滓原應日去之
相見莫嗟腰帶
減瘦狂端的勝肥癡

又

雞骨剛宜兩鬢斑
儒癯方喜稱哀顏
吟肩雖聳詩非
苦一任君嘲飯顆山

生平

生平吟灑興麤豪
欲究遺經首重搔
學筮固知逢遯
卦讀詩惟擬繼
離騷
窓前香炷心原靜
燈下書籤夢亦勞
自笑三冬非此夕
春花將落日將高



碩園詩稿卷三十三

終

碩園詩稿卷三十四

戊午

忽聞薦辟書志

徵書突兀夢魂驚轉憶當年賦北征

庚子歲以急徵赴京師

豈是

寒灰甘撥棄獨因契客畏逢迎
文章孰意諧時好猿鶴寧堪背
夙盟美老到來妨市隱一生終
誤為浮名年

又

聖朝本合下蒲輪幽谷何期也
降春詞苑蕭條慚左席名場顛
倒怯前薪空踈維應求賢詔
老大羞為獻

賦人與論秦淮一則事從來怕踏帝京城

又

雲霄有路未全迷非是沉冥戀故溪雁序僅存終坎
廩龍門雖峙枉提攜賣文錢可魚離水結客場真絮
入泥聞道上林多茂樹此生身不望一枝栖

又

平生略有古人風不悔逢時昔未工翫骸世猶思
逍遙吾已托冥鴻身方犢鼻推原忝卷說牛腰話總
空寄語落陽飛蓋客季鷹只欲醉江東

老

遊錫山秦對巖太史園

躡屐名山有勝緣因芳園轉叩益舒顛軒亭屢交偏饒
古泉石多竒只為真爵老肯教爭菴藹雲深恰遣護
嶙峋偶來我亦能遊賞總畏長安馬首塵

孟秋中澣將奔白門之行爲泌兒就試也

不作秦淮客于今十五秋無家非復別有子却多愁
覺接金波麗江催玉露稠祇應吟嘯地匝月可忘憂

舟次卽事

停地無秋氣徑過屢斷菟林溪帆忽滅煙冷堠空存

蔽日樓山鷓鴣吹滂浴浪豚酒杯吾亦厭惆悵欲黃昏

錫山 此首在前

滿天風雨過闔闕昨晚停舟未解顏誰道今宵晴萬里推窓間看九龍山

江行

金焦天與雙龍角白石人稱一虎頭

舊見沈啓南有金焦二山圖先

奔州公曹為題跋

快殺蓬窓開眼孔江山圖畫片時收

晚泊

斷角聲隨暮雨聞村醪還勾了斜曛莫嫌連日無供

給不斷青山不斷雲

又

蕭、蘆荻皆秋氣莽、波濤競北風酒半停舟宜晚

步怕葦樵牧話英雄

十四早示泌兒

落第生平慣如兒吾豈圖未應誇蹀躞詎可馭菰蘆
剛固非因璧操原不是芋貂裘雖有淚慎莫灑歸途

阻風

偶因風浪住舟聚忽成村蘆荻栖仍穩魚蝦買亦喧

人情同酒薄客思逐雲昏衣上今宵露位徊想故園
雲間道中

滄江波自碧目極倚微醺橋影圓如鏡山光淡若雲
人家方日落道路正秋風分最媿風塵裏漁歌更能
聞

家无農山先生留飲

宗衮茸城重從來感受知敢云龍性在屢見鳳毛奇
教誨真前輩言談及小兒沈兒最蒙契賞華筵非濫廁霑醉
復何辭

又

趨陪公未老慰藉我方窮稍幸憑飛鴈終傷任轉蓬
燕吳千里別兄弟一樽同更話延陵劍潛然夕照中

時方感悼錢寶汾中翰之歿

重陽日飲子似暑齋

忽憶登高日神山又七年士子共日諸乾一進士曾邀予與子似登高于神山

那堪萍梗迤更值鴈鴻天行色難忘酒秋深散總到
船老來中表在別淚各雙懸

借蔡二九霞渡江即事口占示蔡索和

銷沉今古片帆風擊楫千秋歎賞同回首中原沉陸
事思量祖逖謬英雄

又

憶別長江僅四旬孤峰浮玉過仍新翠霞天嶠真奇
句轉憶當年郭景純

又

同舟何意侶英賢須信今方濟大川遮莫傍人遙指
巽爭呼元禮是神仙

又

惡浪狂風片刻收獨留晴晝送扁舟不知天許金臺
客去作江東第幾流

過揚州

隋堤煙柳總堪攀已別江南兩岫山身逐姑蘓城下
水隨風吹得到祁關

又

驢鞍隱、似相催帆影依、首重回計時水陸未決可惜廣
陵濤正好虛傳枚叔有雄才

又

蕪城極目古猶今
何獨參軍具賦心
此地那堪過倦
客白楊塞草正秋深

又

揚州漂泊又湖州
吾亦當年小相杜
遊十八年來今
又過不曾有夢到青樓

墜驢和九霞

推敲心苦有誰心
知大咲何如不語苛

子墜驢背時無語

泣來饒故事也堪賈島也希夷

雪

透骨寒風劈面沙
淮河纔過已堪嗥
此行方識燕山
路九月能飄六出花

落日

落日黃雲角一殺
且將殘雪醉敵嚴
程烏栖廢堞兒
無女雁落寒塘弔
與兄哀病那堪縈
舊想羈栖豈是
意塵纓鄉心客鬢
俱寥落未辦含毫
賦帝京

阜城縣感南渡時事

宣和殘史恨偏多
南渡君臣竟若何
王氣不須嗤偽

楚

張和昌劉豫皆阜城人

前宵先已宿齊河

齊河縣為劉豫僭都處

甫抵京師即蒙

聖諭每月頒賜銀叁兩米叁斗以候 御試隨偕

同事諸公詣 闕謝恩恭紀

自天推澤總非常草莽纔霑倍悚惶玉粒已驚翻倒
甌精鏐更喜寄空囊養賢典埒丘山重恆下息同乳
哺長應詔自欣今 聖世俸錢何止傲東方

又

未忝彤墀執戟班寵綏孰意尚方須香生白粲珠千
掬彩映朱提雪半鍍麗藻固應鏤作管雄才還可聚

為山獨慚糜祿毫無補也逐鷓行覲聖顏

同徐懷萬勝力葉九來道子送葉澄下夏第南
歸以莫將和氏淚滴向老萊衣平散

為韻得和字

黃金臺貯俊賢多誰遣才人返薜蘿天為連城姑長
價傍人休擬下家和

又

寧因紈扇偶嘖蛾靜質幽芳傲綺羅歸向溪閨堪自
賞理來清曲托雲和

又

玉堂趾美定無訛
名世由来出大科
歲暮途窮何足恨
冰霜剥盡見陽和

又

獨衝落葉渡黃河
肯學江淹悵碧波
兩地起居應不異
好將戲綵待春和

又

送君賓客意如何
競唱陽關幾疊歌
莫道陌頭無別緒
一枝折得自靈和

二



碩園詩稿卷三十五

己未

壽益都相公

泰階端平運蒸祥君臣道合如虞唐雲門嵯峨溜水
長爰鍾清泚開明良綺裁射策初飛翔鳳凰鳴矣于
高崗玉堦金闥從趨階九源百氏稠困倉芑泥牙管
爭焜煌能拔鯨牙酌天漿為世指南稱司方銓衡游
登益巍昂梗柎松栢窮搜揚因材寃竒抗虹梁甄陶
孕育心難量 帝曰密勿爾贊襄俾軍國務皆平章
用鞏膺服垂無彊手捧羲輪浴扶桑忠規密謨人不

詳坐致六合咸殷昌我聞卷阿歌令望欲以我公侔
呂康矧復蘭玉紛成行腰間若若懸銀黃庭前相次
傳華觴五福備膺誰其當第畜范富韓歐陽二十四
考中書堂

集毛會侯大令寓齋偕陳其年毛大可允大諸
子分得雲字

十年燕市酒吳越客同分簾細風仍進燈幽雁忽聞
詞寧誇白雪交亦感青雲不淺醅陶興諸公總逸群
送周惟念之真定

燕市歌呼共此宵不知明日是河橋偶吟楓落吳江
句陡覺筵前酒易銷

又
年少辭家尚遊遠發鞍寒月正如鉤傷心我亦天涯
客却向幽州望鎮州

又
師門乍別又擔簦周為詠庵門人鴈叫聲散感倍增回首聯
林風雨夜可能無戀老徐陵謂徐子勝力

又

不飲醇醪那得知交情公瑾最堪思送君自有無窮
想豈為臨風玉樹姿

贈馮躬暨

高地時發有如君不可躋家聲加燁赫公望早端倪
露沃蘭蓀茁風騰驟驥嘶當今名士傳何止射青齊

又

傑立平津第嶷然思軼群名方崇令德才好誦清芬
和璧千金價吳鉤七曜文英英誰與比漢室小馮君

又

門闕雲霄冠燕之說寧馨裁詩春草綠開袞夜藜青
瓊爵分鴻序珠胎出鯉庭從茲韋氏業世世有傳經

又

共說為裘重偏驚肯構奇臯禽多逸響山豹有殊姿
吐捉仍前志陶鈞自異時獨慚踈放跡親近闕靈芝

送葉道子都尉之任臨清

旌榮光輝已世傳崢嶸也要出貂蟬詩書人誦龍韜

接孝友天教鴈序聯

元學亭時為濟寧僉憲

鳴鏑畫驚弧似月

飛書還詫筆如椽金城方畧行圖上共道營平尚少

年

又

青齊什二表雄疆劇喜干城地正當自古文人能戰
守即今名將起循良停車杭稻千村雨下令貔貅五
夜霜會見鬪書旌奏計斗來金印出明光

讀李義山詩集傷之題以四絕句

忠義才情兩擅場同時温段可相當雖然青史乘佳
傳莫道彭陽勝濮陽

又

大戎舊與太牢分翻手何人幻作雲快殺不平成紀
子故題楚客惱即君

又

遊仙什二半閨情也是青蓮許借名割得錦囊新樣
錦一門仍屬玉溪生

又

白老無文那足疑子義山晚唐人物儘能知後生收拾

殘編內須認冬即與桂兒冬即韓偓小名桂兒鄭
畋小名皆詩集中人也

雪後偕秦中李子德雲間董蒼水毘陵邵子湘

宛陵梅耦長松陵潘次耕集家阮亭太史寓齋
以王右丞積素廣庭間五字為韻各分賦五言
古體五章

騎馬蹋金隄馬首千巘白八門心忽開款聚來佳客
鮮耀欲一堂亦見牆隈積俗慮無或侵陶然永今夕

又

霏霏已成堆皚皚未鬣素俄感歲寒姿堦前挺瑱樹
濡迹良自傷徘徊動遐慕幽子邈難期掩扉臥如故

又

眷言企孤縱嘯歌激清響桂酒滌餘霾廊虛月通幌
析疑殫舍今篇籍羅殊廣高唱並陽春知希有真賞

又

吾宗氣吞岱昔匠堪分庭群賢富才力亦足凌滄溟
光芒起檐端太史將占星昔推梁園侶對此慚燭螢

又

冰玉快相映能浣塵沙顏蓄潤迎土膏矧賴拯民艱
分夜懷正多決辰興且間會見開胸襟晴旭盈西山

一紙

一紙徵書豈足憑
狂將炙手互相矜
孫劉伎倆人皆憚
蝮志生涯我獨憎
且聽笑鵬多斥鷃
可堪附驥只蒼蠅
元龍百尺樓原在
其素諸君不肯登

送翁武原都丞之任黃州

兩傳門閥振青箱
喬木依然漢穀梁
槐市又驚今仲孺
棠陰還覆古黃岡

又

風流黃綬引雙旌
三楚將騰佐郡聲
父老莫誇江漢水
較來難比使君清

又

天教名士為仙吏
勝地江山足嘯歌
郡事了時尋舊蹟
月波樓畔訪東坡

又

此地連年接鼓聲
即看美政及遺黎
聖朝息甲求良牧
定下徵書赤鼻磯

朱信旗出闈後攜
便面索題即次徐字
右原韻
才子文場擅國華
戰餘蠶蟻敢誰誇
即看鵬背三千里
行數龍頭第四家

明代狀元朱鑿公門應似水雄

姿君馬定為駟厚期端欲存吾道豈為分榮有葛瓜
妙

題戴笠垂竿圖

毛子會侯遂安名士登甲乙榜筮仕得彰德
司李政教大著丁外艱歸補賢黎平司李之
任而官已裁改汴祥符令政教復著如曩時

近奉

新綸偕予輩徵至京師應

御試酒間出小像示予則戴笠垂竿人也予高

其意題六絕句

嚴州自是君家都聖世今非昔漢廷乍展丹青迷出
處客星可似少微星

又

絲竿在手足風流青若團々半掩頭莫道綠蓑衣尚
冷長披還覺勝羊裘

又

走過黔陽換汴都高人到底宦情無誰知河上神明
宰却屬煙波一釣徒

又

新來應詔入長安，行路依然步，難馬首黃塵高十
丈，那能不憶富春灘。

又

檄頭細雨有玄真，西塞山前現後身。日，風波儂不
管，桃花流水會收綸。

又

君王應已夢飛熊，莫道風雲路未通。最喜畫圖粧束
好，壯年先作渭濱翁。

碩園詞稿

玉女搖仙佩

家蘆州元
六十生日

吾家門第全節高，風不媿如兄。能幾碧水青山，丹顏
綠鬢，紫馬蚤稱仙吏。歸隱從來志，任傍觀料我，却因
鱸膾。羲熙後，慵書甲子，百世之師，粟里而已。游戲更
塲，雲落紙揮毫，宋元兼二。尤羨園林勝致，恣意搜
求，擺脫尚平諸累。亦有世間桑麻雞犬，偏使漁人驚
異業，證真靈位。問笙鶴還欲驟翔，何地喜此夜，鷺絲
鳳竹，緋莢朱果，染香佳會。同霑醉擊觴，且祝三千歲。

染香元所
居菴名

五福降中天

鄧元昭先生
六十生日

霓裳歌奏催金竿
筵前珠履爭躡追
數當年弘懸嶽
降蓋代文章功業
南宮戰捷蚤鰲禁
鑿坡預儲霖
揖高密元侯拜袞
門緒定重接
驥子頻看蹀躞
荀龍相比並今非
怯石室方開芸編
正待那許東山眠
貼華封祝矣多男
多壽福仍層疊且
為蒼生醺然添醉
類

萬年歡

從叔增城公
七十生日

隴首梅花領群芳
爛熳宜推吾叔奕
葉簪纓二十蚤
歌鳴鹿萬卷藏書
能讀美不媿孝廉
之目官花縣衙
對羅浮共推東粵
良牧箕疇五福更
齊眉百年案舉還
合添六以二百歲
為祝也笑指塵寰
滄海幾番沉陸休
羨平泉金谷且微
呷杯中深綠八千
歲椿以為春南
華此段堪祝

花發沁園春

蕭孟昉五
十生日

鷺水螺川此中融
結西昌幾點蒼翠
齊梁譜牒向重
蘭陵家世文章
散氣寧居第二
名士九州誰比
看遯

圃池館清華硯隣花竹幽湄 豈獨園林勝致繼奉
常春浮兩篇佳記儒能作佛俠可成僊君視直如游
戲千齡不朽且莫論知非之歲想筵開玉爵盈堦咒
觥鯨吸難醉

八節長歡最庵甲第
八十生日

才子神仙相公門第賜笏猶傳拾遺到此日供奉自
當年絲綸曾掌紫薇省喜鸚鵡更得名賢忽晚朝衣
去也釣月耕煙 桐花風候之前萸萸髮唐寅吾降
誰先瑜珥與瑤環爭戲綵庭階玉樹翩 蓬萊近萸

只在綠野平泉從今去千齡共祝詩家定費紅箋

念奴嬌

重九偕子做九日計登孝威鴻調女郎
馮靜容宴集舍弟次谷留英閣

悲哉秋也一天愁哀柳敗荷收拾蠟屐登高衝暮雨
為訪東籬顏色橘綠柑黃蟹肥鱸美此景稱難得逢
時不樂壽雖千歲何益 滿座塵尾風流僧彌法護
看當今誰敵指點寒花爭咲道鳳嶺龍山猶首銀蠟
燒殘玉笙吹徹醉把闌干拍佳人莫恠從來吾是狂
客

又

重九偕子做九日孝威異公憚民鴻
調家次谷集眉巽上人準提精舍

重陽之日記當時留英閣上曾燒紅燭二十七年俄
過矣不意勝遊還續禪榻方閒茶煙乍颺非復揚州
牧登高徒爾量愁豈止千斛 寧獨菊醞萸囊身逢
令節今昨殊歌哭萬事總然同夢幻莫問山丘華屋
後叔父增城更憶秦淮槐花柳汁賢輩徒忙碌白門特舉
公時新歿何如好友一樽共坐溪竹
多鄉試里中

水調歌頭 鹿脯

毛鶴舫大令
席上限賦

仙隱那能逐玉饌蒙將俱喬林豐草成夢安驗七星
符正當銀釜盛出細看霞絲雪縷翠色起霜膚分割
佐醞醪快哉樂何如 魯公帖曾過眼未臨摹豫章
太守芟羹同設事堪書尚有河中崔杜歲餉東臯王
績逸韻更吾徒老鬢總休閒且欲盡斯須

洛陽春

寒日小飲徐
勝力寓齋

相對高陽之侶擁爐無語衝寒那怕酒頰來單只要
來如雨 滿目凍雲團絮更添愁緒酒闌各欲夢還
家怕雪沒還家路

東風第一枝

柯岸培先
生六十

武水波涵鶴湖星映奎章後裔誰匹休論卿寺風華

何如瑣垣殺績丹青元氣天生就大臣標格是當年
江左夷吾權作謝家安石 春甕滿瓊蘓玉液身戲
彩一門歡極鄰前薛鳳荀龍桂香杏花又白蓬萊閣
苑筭此福只公消得却不知戶外安車早為鼎台虛
席

碩園詞藁

終

跋

先君中翰別號碩園生而穎異不凡讀書過目成
誦十餘歲即能為詩為舉子義脫去時蹊下筆皆
驚人語歲丁亥出就童子試即受知於交河蘇公
以第一人入膠庠自後每應試無不居第一名譽
鵲起知名之士爭得一覩以為快遠近至婁物色
者戶屨恒滿而先君亦時出與諸名公訂交名山
勝境飲酒賦詩推為風流第一時虞山宗伯錢公
謙益為詩文宗匠先翁州稿多為所評彈先君於

其座上步其首唱原韻即刻賦詩四章錢公大加
歎服而同里大司成吳公偉業尤折輩行与之交
庚子歲坐奏銷事為隣邑株連被逮至 都家以
之廢而先君浩、落、若不介意明年奉

世祖遺詔得釋自是灰心進取益肆力於詩古文詞
適家印周先生視學江西招先君同往先君為之
鑒裁無不服其精當而蒐羅遺蹟訪求名勝題咏
尤為最多先是祭已歲先君於學山園即有四科
大小題之選海內絃誦之士無不奉為金科玉律

嗣是復有文存諸選盛行於世一時問字之輩遠
近走叩殆無虛日先君築室三楹取淵明詩意名
之曰當恕軒與諸門人論道講藝於其中夜則狂
吟轟飲達曙以為常先君素不問家人生產死妄
廢家之後世遺幾盡賴吾生母錢孺人左右措撐
竭力為供具以故先君得稍自娛及吾母去世先
君益鬱、不得志而又自念生負異才淪落不偶
每家姊父見過輒以濁醪共飲、酣輒相對痛哭
時繹高輩尚在幼稚今追憶猶昨也先君好學手

未嘗釋卷所居之室喜正中南面而坐四圍亂帙
如山積惟由一斫一壺之隙而已晨起即具杯勺
未嘗少間而不啜粥飯晚歲性益踈懶尤不喜干
謁里中貴顯之門求先君之跡杳不可得而蒞任
吳中如中憲慕公方牧方公慕先君之才行屢以
幣聘先君槩不之往即書問亦未嘗見答也戊午
春忽膺

辟召知者咸謂先君一生坎壈庶藉此一展平生之
學而先君若反以為苦其時書志詩有云聞道上
林多茂樹此身不望一枝栖寄語洛陽飛蓋客季
鷹只欲醉江東等語皆道其實也謝牘屢上而當
事者趣之愈迫諸門人故舊復相與勸駕因於九
月之望勉爾東裝風沙撲面雨雪載塗實非本願
明年三月朔始就行

御試蓋其時已病喘逾月矣

天子念其疾篤有 詔特授文林郎內閣中書舍人
而先君已不及拜 命矣嗚呼距其生天啓丁卯
年僅五十有三先君歿後三年為辛酉而第五子

之滂出嗣為工部易軒公後先嗣祖南村公為更
今名曰繹高是年秋王鴻調先生始從京邸將先
君所為碩園詩彙郵寄至里繹高含泪推心讀之
終帙亟命工繕寫共得詩三十五卷蓋自癸未至
己未每歲為一卷應得詩三十七卷而丙辰丁巳
兩歲竟無隻字其第一卷至二十三卷之上乃先
君手自編定後十餘卷乃繹高逆草彙中錄出先
君平日所為古文得唐宋大家之氣中歲時即為
人竊去文彙後因不復作今亦竟無存者詞亦多

散失今僅得十餘首已附於卷末制舉之文僅存
歷試草一冊亦多不全又間得誤刻他姓者今為
較正共得文四五十首亦另書成帙惟當恕軒偶
筆一書錄之不下二十本條疏見聞極備考証
先君易簣後即為太史黃公與堅取去今竟不能
完璧先君有知應呵護此書俾得歸家塾即一時
不能付之梨棗亦當手書之以為名山之藏也其
他雜著甚多而尤長於譜曲真能得元人之髓有
點蒼山安東閣交情見諸書今俱無存嗚呼惜哉

時康熙己巳孟夏四月朔男繹高百拜謹識於沙
溪之抱膝草廬

按當恕軒偶筆一百餘卷壬辰歲予小子自
秦中扶先君子襯歸季叔嗣宗訪得之於沙
溪友人處因以重利啖之乃得反辭季叔即手
抄十本并原葉悉歸予篋而先君子已不及
見焉可痛也行將剞劂以公當世會先刊詩稿
因附識之

乾隆乙丑暮月一日良毅謹書

府州官舍寫

大父遺集有感

萬里趨庭敢後時似逃文債恰場期

時正歲試

小子以送官不與

連宵鄰喜添家課細字燈前我

祖詩

小子何知也自癡讀書論世却相思升沈

六十年間事三分驩歌七分悲

我祖詩自前癸未為第一卷

三踏龍門足欲前無才鬼使困丹鉛

無才迎富貴有

鬼奴文章我祖句也

每逢世五同贈證壬午年如辛卯年

我祖辛卯鄉潮歲得後失予小子
於壬午七並計年皆廿五

逃世生平一醉鄉奇才到庠卧滄浪不堪纒

讀承恩句此後詩無八九章

我祖詩三十五卷而得
萬辟信乃終帙也

如此風流倏已淪遺編獨把最神親十齡

便學牢騷句釀就今朝屢斲身

康熙癸未秋九月廿五日孫良穀百拜書

於府州官舍

才之生也不易而士之抱才而有盛名於時者往

往終其身坎壈不得志論者嘗疑焉以為天既生

之何又困抑之若是而要無之疑也才者天地精華之

氣天之靳之更甚於富貴而名也者又造物之所忌

也故有餘於此者必有所不足於彼乃天道盈虛自

然之常而人之所不能違也今觀於碩園先生不其

然歟先生清明華胄天稟異資讀書過目不忘有

所作提筆便成宛同宿構未弱冠才名籍甚受知

當代鉅公有無雙之目試輒冠軍四方槃敷之會

無不引以為重意氣豪上所至傾其座人一時教華
傳播咸謂科名可引手致而上繼二美先生之遺緒
矣顧連躋省闈且以_中望誤_字染至被急徵隨例
廢錮盛年濩落乃以詩酒自放所居一室圖史狼
籍諸生講藝之暇即高歌_且飲以為常久之廷
臣以鴻博薦甫入都而病就試寢劇及一官命下
而先生不起矣噫何其甚也豈名者果造物之所忌
歟抑豐於_才者固宜_畱於命歟其亦可悲也已先生
於文無所不工而尤邃於詩篇什甚富沒後四十年

而先生之孫良穀以手錄全集見示且命一言為序
予得而讀之其早歲所作古體宗漢魏間出於初唐
近體規_榘盛唐兼_法玉_溪卒_亦後復參之以香山
眉山劍南而波瀾益老大_拒先生之詩_才情華瞻
氣辭激昂龍章鳳姿有睥睨一世之_槩中更憂
患聞道日溪流連山水之外間托於_老莊竺乾以消
磨其壯心剗除其豪氣而抑塞磊落時發露而不
可掩先生雖輾軻於時乎其詩卓然成家將必
傳於世後無疑矣武生也晚_搃角時即耳先生名

稍長讀選定之書而未嘗親挹其議論風采晚相見
於都以遽爾捐館夙心仰止深以未得奉教為憾
茲乃回環三復於先生之詩而彷彿想見其生平因
不揣而識之且以得附名於簡末為幸云

康熙己亥余月宗姪吉武拜識

初六日良穀抄附



